

## ԱՇԽԱՏԱՆՔԻ ՆԿԱՐԱԳԻՐ

### ԱՌՈՂՋԱԿԱՐԿՈՒԹՅԱՆ ԾԱՌԱՅՈՒԹՅՈՒՆՆԵՐԻ ԳՆԱՀԱՏՄԱՆ 1

#### ԱՆՅՐԱԺԵՇՏՈՒԹՅՈՒՆԸ

ՀՀ առողջապահության նախարարությունը նախաձեռնել է առողջության համապարփակ ապահովագրության (ԱՀԱ) համակարգի ներդրման գործընթաց: Սկսած 2019 թվականից իրականացվել են աշխատանքներ ապահովագրական ծածկույթի գնահատման, հիմնական ծառայությունների փաթեթի որոշման, համակարգում ըստ բնակչության առանձին խմբերի ծախսերի որոշման ուղղությամբ: 2019 թվականին հանրային քննարկման է ներկայացվել ԱՀԱ ներդրման հայեցակարգը: Առողջության համապարփակ ապահովագրության ներդրումը ներառվել է նաև Կառավարության 2021-2026 թթ-երի ծրագրում, ինչպես նաև Առողջապահության նախարարության 2023-2026 թթ-երի ռազմավարական ծրագրում: Ռազմավարական ծրագրերի միջոցառումներով նախատեսվում է, որ ԱՀԱ կներդրվի փուլային՝ սկսած 2024թ-ից, իսկ 2023 թվականը համարվում է ԱՀԱ ներդրման նախապատրաստման տարի, որի ընթացքում պետք է իրականացվեն առողջապահական համակարգի պատրաստվածության գնահատում:

Հաշվի առնելով այդ հանգամանքը, ԱՀԱ փուլային ներդրմանը պատրաստ լինելու նպատակով, Առողջապահության նախարարությանն անհրաժեշտ է առողջապահության տնտեսագիտության խորհրդատվության իրականացում համապատասխան մասնագետի ներգրավմամբ՝ առողջապահական համակարգի պատրաստվածության և բնակչության կարիքների գիտական հետազոտությունների և գնահատումների իրականացման նպատակով:

#### ԱՇԽԱՏԱՆՔԻ ՆՊԱՏԱԿԸ

Առողջության Համապարփակ Ապահովագրության ներդրման հետ կապված առողջապահության տնտեսագիտության հարցերով խորհրդատվության տրամադրում, այդ թվում

1. Ըստ հիմնական և նվազագույն փաթեթներում ընդգրկված ծառայությունների տեսակների Հայաստանում ծառայություններ մատուցողների տվյալների հավաքագրում, վերլուծություն և գնահատում:
2. Հայաստանում առկա ռեսուրսների գնահատում, դրանց ծանրաբեռնվածության առավելագույն, մինիմալ և օպտիմալ սահմանաչափերի որոշում:

3. Գիտական և ապացուցահեն տվյալների վերհանում, համեմատականներ միջոցառային սմանատիպ ցուցանիշների հետ:

## ԱՇԽԱՏԱՆՔԻ ԱՐԴՅՈՒՆՔԸ

Փորձագետի աշխատանքից ակնկալվում է ստանալ հետևյալ արդյունքները;

1. Ըստ հիմնական և նվազագույն փաթեթներում ընդգրկված ծառայությունների տեսակների Չայաստանում ծառայություններ մատուցողների տվյալների բազա, վերլուծական աղյուսակներ :
2. Չայաստանում առկա ռեսուրսների գնահատման հիման վրա ծանրաբեռնվածության առավելագույն, մինիմալ և օպտիմալ սահմանաչափերի որոշման մեթոդաբանության մշակման առաջարկների ներկայացում:
3. Գիտական և ապացուցահեն տվյալների, միջոցառային սմանատիպ ցուցանիշների համեմատականներ աղյուսակների տրամադրում:

## ՀԱՇՎԵՏՎՈՂԱԿԱՆՈՒԹՅՈՒՆԸ

1-ին կետի ներառմամբ հաշվետվությունը և տվյալները պետք է ներկայացվի մինչև 2023 թվականի մայիսի 15-ը:

2-րդ կետի ներառմամբ հաշվետվությունը և առաջարկությունները պետք է ներկայացվեն մինչև 2023 թվականի հունիսի 15-ը:

3-րդ կետի ներառմամբ հաշվետվությունը և տվյալների աղյուսակները պետք է ներկայացվի մինչև 2023 թվականի հուլիսի 15-ը:

Բացի վերը նշված աշխատանքներից, փորձագետը, ըստ անհրաժեշտության, առողջապահության ֆինանսավորման խորհրդատուի/թիմի ղեկավարի կողմից կարող է ներգրավվել ԱՀԱ ներդրման ապահովմանն ուղղված միջոցառումներին վերաբերող խորհրդակցությունների, հանդիպումների, քննարկումների ընթացքում իր աշխատանքի նկարագրով սահմանված աշխատանքների ներկայացման և այլ նպատակով:

Փորձագետը նաև պետք է մասնակցի սույն աշխատանքի նկարագրով պայմանավորված պրեզենտացիա/ների կազմմանը, նկարագրելով առաջ քաշված մոտեցումները և տրված լուծումները:

## ՓՈՐՁԱԳԻՏԱԿԱՆ ԱՇԽԱՏԱՆՔԻ ԺԱՄԿԵՏՆԵՐԸ

Սույն աշխատանքի նկարագրի շրջանակներում աշխատանքները պետք է իրականացվեն մինչև 31.07.2023 թվականը՝ հնարավոր երկարաձգմամբ:

## **ՓՈՐՁԱԳԵՏԻՆ ՆԵՐԿԱՅԱՑՎՈՂ ՊԱՅՆՁՆԵՐԸ**

- Առնվազն բարձրագույն կրթություն տնտեսագիտության, ֆինանսների, հաշվապահական հաշվառման բնագավառում,
- Առնվազն 3 տարվա փորձառություն առողջապահության բարեփոխումների, այդ թվում ֆինանսավորման մեխանիզմների փոփոխությունների
- առողջապահության ֆինանսական տեղեկատվական համակարգերի հետ աշխատանքի առնվազն 3 տարվա փորձառություն
- Առնվազն 5 տարվա փորձ բժշկական կազմակերպությունների հետ աշխատանքի, այդ թվում բժշկական կազմակերպություններում ֆինանսական կառավարման փորձառություն
- Տվյալների վերլուծություններ իրականացնելու հատուկ փորձ՝ տվյալների բազաների կառուցման, ձևաչափերի մշակման, տվյալների համադրումներ իրականացնելու պրակտիկ և վարժ ունակություններ
- Հայերենի, Ռուսերենի և Անգլերենի լավ իմացություն, համակարգչային գիտելիքներ մայքրոսոֆթ օֆիսից, ինտերնետ բրոուզերներից, օնլայն հարթակներից օգտվելու և դրանց հետ աշխատելու կարողություններ, օրենքների, ենթաօրենսդրական փաստաթղթերի վերաբերյալ ստացված կարծիքների ամփոփման, դրանց մշակման, մոտեցումները հիմնավորելու կարողություններ, հաշվետվությունների նախապատրաստման հմտություններ, ճնշման տակ և ըստ անհրաժեշտության ծանրաբեռնված աշխատելու ունակություններ: